



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quomodo per interualla temporum res corporales conditæ sint. C

urn:nbn:de:hbz:466:1-38829

quatuor elementorum adhuc confusam & informem, quæ à Græcis dicta est chaos, & hæc fuit ante omnem diem. Deinde elementa distinxit Deus, & species proprias atque distinctas singulis rebus secundum genus suum dedit: quæ non simul, ut quibusdã sanctorum patrum placuit, sed per intervalla temporum ac sex volumina dierum ut aliis visum est, formavit.

Quod sancti tractatores videntur super hoc quasi aduersa tradidisse, aliis dicentibus omnia simul facta in materia & forma, aliis per intervalla temporum.

*Super Gen.
ad literã li.
1. cap. 1. in
principio.*

Quidam namq; sanctorum patrum, qui verba Dei atq; arcana excellenter scrutati sunt, super hoc quasi aduersa scripserunt. Alii quidem tradiderunt omnia simul in materia & forma fuisse creata: quod Aug. sensisse videtur. Alii verò hoc magis probauerunt ac asseruerunt, ut prima materia rudis atque informis, quatuor elementorum commixtionem atq; confusionem tenens, creata sit: Postmodum verò per intervalla sex dierum ex illa materia rerum corporalium genera sunt formata secundum species proprias. Quam sententiam Gregorius, Hieronymus, & Beda, aliique plures commendant ac præferunt. Quæ etiam scripturæ Genes. vnde prima huius rei ad nos manavit cognitio, magis congruere videtur.

*Hieronim. ad
principium.
in quest. in
Gen. tom. 3.
Greg. lib. 22.
ca. 10. ad il-
lud. Job ca.
40. Ecce Bohemot b.
Beda in gl.
ordinaria
ed. c. 1. Gen.
Li. de Gen.
contra Manichaos. 1.
ad medium
ca. 7 in to-
mo. 1.*

Quomodo per intervalla temporis res corporales condite sunt.

Secundum hanc itaque traditionem ordinem atque modum creationis formationisque rerum inspiciamus. Sicut supra memoratum est: In principio creavit Deus cælum, i. angelicam naturam, sed adhuc informem, ut quibusdam placet: Et terram, i. illam confusam materiam quatuor elementorum, quâ nomine terre, ut Aug. ait contra Manichæos, ideo appellavit Moyses, quia terra inter omnia

nia el-
rat, &
rum
sum
fi, &
stind
cta el-
cut su-
ficis:
quod
ficut
sz m-
dove
qua,
mali-
re in-
bulis
notis
no ta-
bulo-
in ill-
bus
quæ
nibu-
pter
sunt
nebr
liqd
aliqu-
tur:
vbi
inan-
esse,
Q
A
esse

nia elementa minus est speciosa, & illa inanis erat, & incomposita, propter omnium elementorum commixtionem: eadem etiam vocat abyssum dicens: Et tenebræ erant super faciem abyssi, &c. quia confusa erat & commixta, specie distincta carens. Eadem etiam materia informis dicta est aqua. super quam ferebatur sp. Domini, sicut superfertur fabricandis rebus voluntas artificis: quia subiacebat bonæ voluntati creatoris, quod formadum perficiendumq; inchoauerat: qui sicut dominus & conditor, præerat fluitanti & confusæ materiæ, ut distingueret per species varias quædo vellet, & sicut vellet. Hæc ergo ideo dicta est aqua, quia omnia quæ in terra nascuntur siue animalia siue arbores, vel herbæ & similia, ab humore incipiunt formari atq; nutriri. His omnibus vocabulis vocata est illa informis materia, ut res ignota notis vocabulis insinuaretur imperitiis. & non vno tantum: nam si vno tantum significaretur vocabulo, hoc esse putaretur quod consueuerat homines in illo vocabulo intelligere. Sub his ergo nominibus significata est materia illa confusa & informis, quæ nullâ specie cerni ac tractari poterat, in nominibus visibilium rerum quæ inde futuræ erant propter infirmitatem paruulorum, qui minus idonei sunt inuisibilia comprehendere: & tunc erant tenebræ, id est, lucis absentia. Non enim tenebræ aliquid sunt, sed ipsa lucis absentia: sicut silentium non aliqua res est, sed ubi sonus non est, silentium dicitur: Et nuditas non aliqua res est, sed in corpore, ubi tegumentum non est, nuditas dicitur: sicut & inanitas non est aliquid, sed inanis dicitur locus esse, ubi non est corpus, & inanitas absentia corporis.

Quo sensu tenebra dicantur non esse aliquid, & quo dicantur esse aliquid.

D

Attende, quia hic Augustin. tenebras dicit non esse aliquid, cum alibi tenebræ inter creaturas

Y 4

ponan-

*Ibid. paulo
inferius.*

*Li. 8. cap.
eisdem in-
ferius.*

*Ibid. paulo
inferius.*

*Gen. 5. in fin.
eiusd. li. 1.*

*de Gen. con-
tra Manich.*

*cap. 4. in
princip. e-
iusdem li. 1.*